

影印

文淵閣四庫全書

第一一二七册

北京出版集團公司  
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV. ①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫田

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100012

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

# 本册目次

昆	丹	老	附	補	西	橫	初
陵	陽	圃			渡	塘	寮
集	集	集	錄	遺	集	集	集
宋	宋	宋	宋	宋	宋	宋	宋
張	葛勝仲	洪 芻	洪 芻	洪 朋	許景衡	王安中	王安中
守撰	撰	撰	撰	撰	撰	撰	撰
……	……	……	……	……	……	……	……
六六九	三九七	三七七		三五三	一六三	一	

欽定四庫全書

集部  
初寮集卷一

詳校官庶吉士臣張溥  
侍讀臣孫球覆勤

騰錄監生臣郭壩

欽定四庫全書

集部四

提要

初寮集八卷

別集類三宋

臣等謹案初寮集八卷宋王安中撰安中字

履道中山曲陽人登進士第累擢尚書左丞

出知燕山府除大名尹兼北京留守司公事

靖康初安置象州紹興初復左中大夫卒事

蹟具宋史本傳安中以詞藻擅名而行誼甚

欽定四庫全書

初寮集  
提要

為純繆陳振孫書錄解題稱其少時嘗師事

蘇軾于定武未卒業而軾去會晁說之為無

極令復往執弟子禮說之最以為學當慎初

之旨因築室榜曰初寮其間見議論得于說

之為多及後貴顯遂諱晁學但稱成州使君

四丈無復先生之號今考集中多直呼說之

為晁以道與振孫言相合其仇薄已可概見

史稱其以作瑞應表受知徽宗考蔡條鐵圍

山叢談實由諂事梁師成以進幼老春秋又稱其交結蔡攸引入禁中則奔競無耻更為小人之尤史又稱其附和童貫王黼贊成復燕之議又身自請行規措失當招納叛亡挑釁強隣禍貽宗社則悞國之罪尤為深重然其詩文豐潤凝重頗不類其為人四六諸作尤為雅麗史稱徽宗嘗宴睿謨殿安中賦百韻詩紀事令大書殿屏仍以副本分賜侍臣王

明清揮塵後錄載其詩周輝清波襟志又補載其序皆盛相推挹張邦基墨莊漫錄又載其立春帖子稱以才華清麗其人雖至不足道而文章富贍要有未可盡泯者錄而傳之亦不以人廢言之義也其集見于本傳者七十六卷晁公武讀書志止作十卷趙希弁附志則作前集四十卷後集十卷又內外制二十六卷與史傳目次相符自明以來久佚不

見今從永樂大典採掇哀次尚得詩文數百篇周必大序稱安中送其曾大父詩不論與汝小一月政自容君數百人句又揚萬里誠齋詩話稱安中行余深少宰制仰惟前代守文為難相我受民非賢不又句又在象州思鄉里作文有萬里叩墳草木牛羊之踐履百年鄉社室家風雨之飄搖等句今俱不見于集中是其散佚尚多然蒐羅什一猶可考見

崖畧謹釐為八卷而仍以李邴周必大周紫芝原序三篇冠之卷首以存其舊焉乾隆四十六年九月恭校上

總纂官臣紀昀臣陸錫熊臣孫士毅

總校官臣陸費輝

初寮集原序

一代文章必有宗惟名世者得其傳天生斯人固已不數向非君師作而成之則其道不墜者幾希若稽本朝太祖以神武基王業文治興斯文一傳為太宗翰林王公元之出焉再傳為真宗楊文公大年出焉長養尊用風示學者雖間以剛直被排斥而眷顧終不少衰至於仁宗英宗神宗然後異才充滿中外其傑出如歐陽文忠公又逢時得政同心德於三朝閱八年之久相與化

欽定四庫全書

初寮集原序

成天下功不少矣故其門人高第尤多惟東坡蘇公崛起西蜀嘉祐收以異科治平欲躡真翰苑熙寧首待以國士及遇哲宗遂光顯於朝中間小人敲撼挫摠欲殺不果者天意也上賜也晚守中山尚書左丞王公世家是邦博學工文詞年十六即貢京師後二年坡至奇之公亦自謂得師也明年坡南遷不能卒業公尋登第闢初寮精舍日夜讀書著文年二十有七游五臺為竹林泉賦以將相喻泉石格高而意新送某曾大父詩云不

論與汝小一月政自容君數百人專用吾宗公瑾伯仁

事致推尊年德之意精切混成不類少作時方諱言蘇學而公已潛啓其祕鑰久之徽宗旁求文士召真館閣給札親試驟掌書命由中司入北門歷二轄其制誥表章詩文大率雅重溫潤而時發秀傑之語定功繼伐等碑睿謨曲宴百韻詩多出特命上恩與天通矣萬目睽睽徒謂其鶴鳴九臯而不知奪胎換骨自有仙手故未嘗以曲學指之今前集四十卷是也洎中興南渡四海

欽定四庫全書

初寮集原序

名勝遷謫避地萃於湖廣而公壻趙奇子辟章又家之游夏大篇短章更唱迭和即已盡發平昔之所蘊且復躬閱事物之變益以江山之助心與境會意隨辭達韻遇險而反夷事積故而逾新他人瞠乎其後我乃綽有餘裕至如桂柳佛寺諸記閱深辯麗近坡暮年之作黃張晁秦既沒系文統接墜緒誰出公右豈止襲其裳佩其環而已今後集十卷是也初公與先大父同為元符庚辰進士政和中公典貢舉擢先公第二故公季子承

議郎辟綱及公孫刑部侍郎拒曾孫令邕守宗孟繼以  
集序為請久負諾責夫豈無說蓋公內制十八卷外制  
八卷李文敏公漢老實題其首且謂公天才英邁筆力  
有餘於文於詩皆瓌奇高妙無所不能用是序公全書  
所謂一言以蔽之者某尚何所伸其喙若夫本天人之  
相因考源流之所自以申敘累世之契好而告諸來者  
則不敢辭也公諱安中字履道享年若干後學尊之曰  
初寮先生故以名集慶元六年二月日周必大撰

欽定四庫全書

初寮集  
原序

三

徽宗皇帝在位歲久文士詩人一時輩出不減元和長  
慶間人物如參政翟公待制韓公翰林汪公初寮先生  
王公皆以文辭自顯號為傑出不可跂及者餘未易殫  
數也初寮蓋文健而深詩麗而雅至於制詔渾厚足以  
風動四方則李公漢老以為當承平之世多褒揚粉澤  
之詞使傷居爾體痛在朕躬不得施於戰士勿為子孫之  
謀更存輔車之勢不得加於叛國嗚呼其盡之矣自往  
至今幾三十年諸公之墓木何止拱把讀之使人想見

當時文采風流之勝劉夢得云休唱內前供奉曲貞元  
朝士已無多是亦足以為初寮之嘆也周紫芝撰

欽定四庫全書

初寮集  
原序

四



初寮集序略

案此序蓋初寮內外制專集也內外制今不存唯此序見於永樂大典今附載於此

本朝承五季之後楊劉之學盛於一時其裁割纂組之工極矣石介憤然以楊公破碎聖人為世巨害著論排之甚力然當時文宗鉅儒司翰墨之職者亦必循本朝故事如近世張公安道高簡粹純王公禹王溫潤典裁元公厚之精麗穩密蘇東坡先生雄深秀偉皆制詞之傑然者譬之王良造父策驥騶而騁康莊一日千里而節以和鑿馳之蟻封亦必中度豈能彼而不能此哉初

欽定四庫全書

初寮集序略

寮先生太保王公自布衣文稱天下由東觀入掖垣由烏府登鼇禁皆天下第一選司內外制者累年其所製體大而義嚴事覈而旨深奇而不失正雄而不為夸褒勳勞則布帶礪丹青之信施霈宥則有雨露涵濡之澤文治平則祥極乎鳳麟申戒飭則誠著乎金石嘉武節則毅乎彪虎之威美文德則昭乎藻火之華皆極其致蓋與本朝三數公不相上下而馳驟乎燕許常揚之域若不以體制拘之駸駸乎漢氏矣蓋公天才英邁筆力

有餘於文於詩皆瓌奇高妙無所不能故出為世用者如此自徽宗皇帝即位以來擅制詰之美者公一人而已得不謂一代之奇文歟雲龕李邴撰

欽定四庫全書

初寮集序略



欽定四庫全書卷

初寮集卷一

宋 王安中 撰

頌

擬進天應頌一首 有序

臣讀大雅皇矣上帝監觀四方之篇稱帝謂文王者  
三竊知聖人之德上通於天則精神允格靈眷昭答  
雖不諄諄然命之而啓迪感發之意固以明告衆著  
惟聖人克知上帝之心於無聲之中得其所言於

欽定四庫全書

初寮集

是寤寐祗恪面稽天若故福祿茂盛基緒綿永用光  
裕於無窮雖然眷西顧而與宅立厥配而省山帝之  
所以寵綏文王者如是而已固未有高靈下墮白日  
顯行之殊尤卓特也此者皇帝陛下恭修大報自宮  
徂郊天真來臨虛闕湧起衣冠仗衛旌旗輦路畢出  
於雲際宸翰紀述既極昭回之光節名誕播具乎中  
外之聽若夫子帝其訓則炳乎其不可默已謹拜手  
稽首而言曰昔者大易肇判人羣憧憧陰陽并毗山

川環互葦萊叢蔚蹄跡交貫有聖人作於是佃漁耒

耨之利施舟楫杵臼之用講蒙冤辯等重衡明信首

義軼軒系唐跨虞唐以夏似承以商乙緝綴闡揚至

於有周而後庶事備贏劉搶攘道術澶漫降斯草創

置不足論帝用嗇於眷佑闕休祉孕藏儲毓以俟

有道季宗宕跌仍世多盜五季仆起若不須臾三靈

宅心並屬於我有宋藝祖以神武勇智拱揖而立帝

祚奮張揮斤振八紘而來之圻封紆餘外薄於海德

欽定四庫全書

初寮集

風膏澤時節流行兵休於屯而無所庸人尸其生而  
無所懾聖聖相授與天同仁簡刑崇寬羣黎率俾橐  
戟鞘劔四夷稽服士有父祖相授之學野無尺寸不  
毛之田道之將興萬世一運神宗皇帝以天縱之聖  
御物昌之會沛然遠覽濬發獨智窮妙道於決裂之  
後得名儒於隱約之中擺落因仍全法三代以經術  
造士以保伍寓兵以義理財以事建官以威信馭戎  
以力政弛役衆制具定垂為永久天厚聖緒世重具

華皇帝陛下聖學精微深惟堯舜之道孝悌而已迺  
通追元豐之制作永懷昭廟之紹述睦族以厚風俗  
興學以明人倫仁先窮民惠及露齒禮備於萬物之  
富樂成以四氣之和魏魏煌煌蓋成周不足進已故  
神鼎成而甘露零大晟奏而靈羽至榮光出海而澄波  
紺澈真符韞石而圭瑞告成雲呈紛郁之五色日見  
戴承之二氣雙葩駢治同穎薦瓏期應紹至史不絕  
書是宜願懷精純親德嚮道雲車風馬來止來享竊  
惟上天無心惟民是視元聖體道天則弗違天人之  
相通久矣故西維東岱耆老士庶連袂扣闕以巡幸  
封祀為請昔者章聖皇帝既膺寶命席玉平朝饗三陵  
伸奉先之孝肆覲東后展勒崇之典謁教父於亳社  
欵皇祇於汾壤夫修道以錫符奉符以行事不為進  
越也皇帝陛下研幾象以觀妙道之原參稽羣言當既  
有成議矣敢因天應立節之詔輒獻頌以廣之頌曰  
太極肇分天人異位惟皇上帝陶毓萬類帝居崇高其

視自民孰為司牧統和神人於赫有宋世世修德藝祖  
配天經綸開闢天付所覆全有四國乾行坤承民以靜  
一太宗睿明恩醲變伐受命既固道化孚洽章聖慕服  
昊天其子曠典備舉焜燿永世仁宗繼體治極無為隆  
寬博愛如春之熙英廟入嗣奄宅丕后慶元靈長克昌  
厥後魏魏神考天錫勇智學窮幾微道探本始睥睨百  
代駁無足議取成詩書弗約而契迺登鴻儒迺籲眾俊  
法度是飭經術是訓族懷於恩官嚴其分財用內豐威  
武外奮泰陵英斷駿惠不忘昭哉嗣服率由舊章皇帝  
孝弟克承先烈聖學光明睿文秀發論據經術事稽熙  
豐賓興賢能子惠困窮仁充天壤威愴夷戎八玉鎮邦  
九金象物山川億寧動植咸若康年屢臻禮備樂作和  
平之氣發於休祥澄波効祉景曜舒光苑木連理池蓮  
駢芳五色映空三秀擧房嘉禾秋薦甘露宵零羽毛之  
瑞金石之英所在輒聞來獻充庭班賀相踵史書不停  
惟時皇帝肅舉明禋於國之南專事天神其執伊何玄

色之圭其陳伊何三代盤匝既裸太室時秉玉輅自宮  
徂郊侍臣駢馭雲氣虛明舜瞳先睹樓閣重複仗衛森  
布湧空十丈浩無央數日升於東氛氲四開麟車鳳輦  
倏忽往來衣袂粲錯冠弁崔嵬葩華葆羽擁植徘徊僕  
正虎士仰望俯拜萬夫注觀不隔纖霽上心齋莊泉時  
之對曰帝予臨予敢弗戒升禋慶成敷錫時福親御翰  
墨次第紀錄神藻陸離天真在目肆頒節名詔旨恭肅  
惟帝來格事超振古帝意明甚若相告語帝初何言著

欽定四庫全書

初卷集

五

於率土帝謂吾皇聖孝感通克底於道文考之功帝謂  
吾皇制作大定鋪張闔休莫斯為盛帝謂吾皇宜考諸  
禮奉符行事對越天地祖宗在天寢兆維維往古太平  
其亟商度舒德發號勒功喬嶽觀風納賈展采汾毫帝  
謂吾皇勿抑勿遲九敘既歌萬物由儀神祇祖考有待  
茲時皇帝曰嘻羣臣是咨羣臣稽首天且弗違天真之  
臨以啓上心曠日未議申命於今鶴來觀闕竹實出谷  
檜附玉芝雀生金鷄靈龜六眸天獸一角嘉瑞沓至理

則昭晰惟聖憲天惟天從欲皇帝曰俞順帝之則時邁  
其邦予敢弗力爾其輔予各揚乃職對天之休享祐永  
極

詩

睿謨殿曲宴詩 并序

臣比蒙聖恩召赴禁殿曲燕其日垂拱奏事退俟於  
睿謨外次花巾絲履進自東序促武再拜陞即坐席  
女樂數十陳於殿庭南端袍帶鮮澤行綴嚴整酒行

欽定四庫全書

初卷集

六

歌起音節清亮樂作舞入聲度閑美俱出於禁坊法  
部之右於時臘雪新霽風日妍暖已作春意御榻之  
前有寶檻植千葉桃花陛下指示羣臣曰杪冬隆寒  
花已盛開於是皆頓首曰陛下神聖能回造化草木  
實被生成之賜乃先時呈瑞以悅聖情日既中昃甫  
畢初筵有旨許登景龍樓由穆清廡外閣道以升東  
望艮嶽松竹蒼然南眎琳宮雲煙絢爛其北則清江  
長橋宛若物外都人百萬遨樂樓下歡聲四起尤足



以見太平屢豐之象羣臣頌歎久之既夕復詔觀燈  
於穆清遂侍飲於平成萬炬層出彌望不極如星掛  
空而光彩動搖於雲海濤波之上戶牖屏柱茶牀燎  
爐皆五色琉璃綴以夜光火齊照曜璀璨縱觀環繞  
則又覩合宮蕭臺崇樓傑閣森羅布護羣臣心目震  
駭莫有能測其機緘制作之妙者已而陪從天步至  
會寧殿瓊鋪珠箔合沓炳煥其所陳列則虞敦夏鼎  
商盤紀甗龍文夔首雲雷科斗真若遠古三代之物

欽定四庫全書

初集

七

陛下既御黼坐親取寶器酌酒臨勸命宮嬪奏細樂  
於前王食嘉果南珍海錯手自分賜載色載笑雍容  
無間羣臣飲德莫不霑醉夜分乃散歸路觀者如堵  
他日稱謝陛下申諭一二輔臣俾作詩以紀而臣某  
預焉臣猥以凡材蒙陛下親擢備位政府曾未閱月  
有此非常之遇形容頌述雖無詔旨猶當自効惟鈞  
天帝所昔人夢寐或至形開而神悟想象莫及而臣  
今者身歷遂嚴目擊奇勝願嘗以文字誤被聖獎且

面命之其榮至矣謹齋沐課成百韻五言律詩一首  
繕寫上進冒躋天威臣不勝震越之至

上帝通明闕神霄廣愛天九光環日月五色麗雲煙紫  
宙開三極瓊瑤列萬仙希夷塵境斷髣髴玉經傳妙道  
逢昌運真王撫契賢龜圖規大壯龍位正純乾宮昊親  
無間皇居掇自然剛風同變化梵氣共陶甄層觀星潢  
上重闈斗柄邊摩空七雉峻冠嶠六龍連夢想何嘗到  
階升信有緣昕朝初放仗密燕忽聞宣清禁來鳴佩修

欽定四庫全書

初集

八

廊列並肩獸鋪金半闔鸞障繡微寒霽景流庭砌雷文  
繪栴椳宮簾波錦漾殿榜字金填花擁魏魏座香浮秩  
秩筵高呼稱萬億韶奏侍三千華歲稱堯厯元璣侯舜  
璿冰霜知臘後梅柳認春前造化應呈巧芳菲已闢妍  
樛枝凋檻小多葉露桃鮮錯落飛杯斝鏘洋雜管絃承  
雲歌歷歷回雪舞翩翩黼幄祥氛合銅壺永漏延鑄京  
方置醴義馭自停鞭乃聖情彌渥諸臣意更虔宗藩親  
魯衛相蒂拱闕顛側弁恩光泱中觴詔蹕旋寶黃携滿

袖御果得加邊要賞嬉遊盛俄追步武造騰身複道表  
送目夾城埃仰揖蒼龍象旁臨良嶽巔謳謠紛廣陌蕭  
鼓樂豐年赫奕攢輪憶珍奇集市廊博廬多袒跣飲肆  
競踰躑蕃行開朱邸崔嵬照彩椽橋虹彎蟲蠹江練泮  
濺濺擊柝周廬晚張燈別院先餘霞搖綺暈列宿瀉珠  
躔浩蕩三山島稜層十丈蓮再趨天北極却立榻東偏  
既用家人禮仍占聖製篇兕觥從酌酹蟾魄待嬋娟轉  
盼隨親指環觀得縱穿曲屏紅浪感巨柱赤虬纏光透

欽定四庫全書

初集

九

垂葩并晶銜帶壁錢蕭臺千級峻重屋八窗全就席花  
墩匝行尊紫袖擅交輝方爍爍起立復闐闐寧宇會寧  
過中宵勝賞專鋪陳尤有韻清雅不相洽戶箔明瓊串  
欄釭水碧捲規模商甌鑄欵識魯壺鑄秦曲移箏雁唐  
粧儼鬢蟬窄襟珠綴領高朵翠為鈿喜氣排寒返輕颺  
酒靜便層牀藉璣組方鼎炷龍涎瑪瑙供盤大玻瓈琢  
琰圓暖金傾小榼屑玉釀新泉帝子天材異英姿棣萼  
聯頻看揮斗盃端是吸鯨川推食俱均逮攘餐及墮捐

海螯初破殼江柱乍離淵寧數披綿雀休論縮項編南  
珍誇釘餽北饌厭烹煎賜橘懷穎卯醅顏醕寶船言歸  
荷慈惠末節笑拘攣放鑰嚴扉啓籠紗逸足牽冰輪掛  
銀漢夜色映華韉人識重熙象功緊獨斷權五辰今不  
忒六氣永無愆天紀承三古時雍變八埏比閭增版籍  
疆場罷戈鋌文軌包夷夏弦歌徧幅員恢儒榮藻苑作  
士極魚鳶肯構詒謀顯多男景祚綿迂衡常穆穆導路  
益平平亭障今踰隴耕耘久際燕恩漸鯨海漲威竄犬

欽定四庫全書

初集

十

戎糴東擬封云岱西將款澗瀍琳科宣蕊笈王府下雲  
軒帝籍勤初播宮蠶長自眠繭絲登六寢稔米秀中田  
廟鶴垂昭假壇光監吉蠲靈芝滋菌蠢甘醴湧潺湲合  
教龐風革頌經衆疾痊雨隨親禱降河避上流遷執契  
皇猷洽披圖福物駢太和輸素籥妙用絕蹄筌此會君  
臣悅應光簡冊編雅稱魚罩罩頌述鼓咽咽詎比千齡  
遇猶聞四始箋羈臣起韋布陋質愧駕鉛騾俾陪機政  
由來出眷憐恩方拜綸綉報未効塵涓密席叨臨勸凡

蹤第曲拳雖無三峽水曾步八花博聖諭知難稱才慳

合勉旃鈞天思盡賦騰續白雲賡清波雜志初察進曲宴詩序云臣比蒙聖

恩召赴禁殿曲宴云云其榮至矣後尚有二十餘字常詞也書之以見國家閑暇湛露惠慈之盛賞賚之序亦若是焉曾端伯得於李漢老之子云曲宴詩乃其父所作劉季高云乃王履道也曾以疑焉以此序考之何疑有之

宣和七年九月二十三日睿謨殿賞橘曲燕詩

并序

臣近者伏蒙聖慈以九秋既杪四海告豐申惠羣工

特均燕衍於時天宇澄霽日景晏溫帝居九重和氣充塞大昕之初羣臣已集睿謨外廡趣入就列花巾

絲絢拜手即坐聖顏悅豫咫尺不違天支蕃昌佩玉在席燕越鄆國而下凡十真王公槐相袞運逢十一

並受其福亦多世顯同升之盛雲韶在庭行綴翼翼歌音舞節俱出禁坊法部之右屬后亦薦瑞植物效

珍嘉橘瓊橙近秀禁籞肇自元豐之手種仍沐宣和之膏澤金苞翠葉磊落璀璨非湘江楚澤下土之產

所能髣髴就摘分嘗香襲懷袖初筵已秩清蹕再傳

珠箔輕明嬪御中出翠鋪高朵金泥窄袂寶帶玉貝

瓊瑤瑤瑟端如遊閨風拱霄極親聽雲和九鈞之妙

御榻之左則上方之寶器在焉觀者進云此碧落空

歌大浮黎物也既稱億萬歲壽笑語無間臨勸不名

海錯南珍手自傳賜上親諭羣臣曰太平無事飲酒

豈樂茲惟其時期以夜分極懽盡醉乃散臣某歸自

朔方預叨齒召天語念在并詔以內修外攘綏萬邦

欽定四庫全書初集卷一

屢豐年之意俾奏篇紀事臣頃以不腆之文仰誤殊

獎歸美報上乃臣本志敢不控竭燕陋仰塞隆旨謹

齋沐課成五言百韻律詩一首繕寫上進冒瀆天威

臣無任

赤伏符興運長生帝應期駿功先祖考大道仰君師皇

極三才建春臺四海熙高高天輔德蕩蕩物由儀政叶

陰陽敘恩均雨露施機緘神不測橐籥化無私黃道星

循軌璿璣日轉規農祥朝自正膏澤夜還滋耕首天田



稼蠶先繭館絲云誰知帝力初弗奪民時嘉種今仍降  
來牟此獨貽上方輕賦斂人益勸耘耔陸播顏寧汗谿  
秧手任龜雨暘常不過高下兩俱宜壠靜無稂莠場登  
足拒枉地腴從再易倉富必千斯已覺饒儲侍何妨飽  
滯遺滴珠香社釀春玉滑晨炊廩層連淮上帆檣塞汴  
涓人和道缺斛家積等京抵歲事豐如此天心喜可知  
肅霜時既屆夷則律初吹坐弛輸邊粟先共饗帝菜遂  
蠲陽館薦將近泰壇釐要與民同樂還開宴示慈紫清

欽定四庫全書

初卷集

三

三境邃王府九重披仙掌擎霄露宮樓上曉曦明河臨  
睥睨魁斗下果愚齋自蓬萊殿鯨噴太液池隔城花隱  
隱夾路竹倚倚帝所迷從嚮壺中入並隨睿謨深寶構  
延福表雲楣象緯層霄逼堪輿一氣移風簾珠的皪霜  
瓦碧參差流步來清蹕飄香度赤墀袍光明霽色扇影  
弄涼颺御坐花巾擁雲韶紫袖垂僊音銜香眇顛氣變  
融怡師保周兼召鈞衡稷與夔萬幾當暇豫一笑奉疇  
咨介弟榮華鄂多男茂本支維城扶慶運聯璧秀英姿

嘉橘爭先睹瓌橙復共持瓊漿封盎盎金彈間蒙繫禹  
服分三壤湘江接九嶷移根來上苑薦瑞自柔示託質  
依天咫懷馨脫海涯生成因道廕造化豈人為嚴靚侷  
衣鞠鮮濃類染梔陽鳥飛啄卵崖蜜熟凝脾不數千頭  
富應容四老嬉桃嗤西母獻萍辨楚人疑沆瀣溥涼葉  
琅玕折曉枝霧霏先嚙鼻香潤已熏肌君賜來相續皇  
恩厚不貲鴈行筵秩秩樂闕漏遲遲戶響鏗銅獸庭陰  
過玉螭畫廊尋宛轉雜珮步逶迤預許留闔鑰重升促

欽定四庫全書

初卷集

十四

履綦再中占漢日八彩望堯眉器寶森羅列虹輝聚陸  
離截肪傳琖筭盈尺捧舟藝碧落天之秘監田地所奇  
連城寧復貴曠代未嘗窺冰瑩玻瓈瓊雲承翡翠卮萬  
絲紫瑪瑙五色碾琉璃起立紛行綴環觀略等衰歡悰  
溟渤隘飲興岱嵩卑御手殮頻輟宮餅酒屢釀翠鈿來  
婉孌珠袂列歲蕤閨苑花常爛姑山物不疵流鶯歌緩  
緩么鳳舞傲傲別按新傳曲仍聽絕妙詞共看賓醉止  
那問夜何其蓮炬光相屬星聯弁欲敬醅顏回紫闥歸

路躍金羈謳詠聲盈耳鋪張說解頤肇從書契數卓冠  
簡編推天紀承軒后河圖受宓義文心仍翼翼善益  
孳孳聖治寧人繼淳風遂古追飛輪諸福至投札九州  
馳震疊湯聲赫威懷武烈不歎金符誓牧豢鼓兆蒐岐  
神力天山箭祥飈太一旗燕雲恢北落靈夏懾西陲  
歲蒙推擇新邦往撫綏宸篇麗雲漢儒服擁旌麾乘鄣  
逾千里留屯閱再暮丹衷忘險阻白首分捐糜井邑今  
安業衣冠頗變夷買牛從漢吏牧馬絕胡兒田熟營平

欽定四庫全書

初學集  
卷一

五

老兵休定遠疲釣天猶夢到魏闕修來思紫詔過三節  
紅塵踏九達載前宣室席復侍邇英帷飲御陪胥樂勤  
歸獨念茲喜霑魚藻惠許賦柏梁詩愧乏凌雲筆徒傾  
向日葵揚休稱萬壽永御太平基

進和御製良嶽曲宴詩 并序

臣伏蒙聖慈以海宇又安機務清簡召赴良嶽觀賞  
春候妍暖景物奇勝天造地設名言莫及上尊韻果  
南珍海錯寵賜絡繹宣勸稠重羣臣荷眷之隆遂皆

霑醉退歸想像恍如嘗至清都玉府彤雲紫霧雖髣  
髴在目前已不知其路之所從入矣恭覩聖製仍許  
進和謹齋沐牽課仰塞詔旨塵黷香覽臣無任震惕  
之至

柳暗宮城暈麴塵行穿飛觀認敷春天垂千尺銀河外  
雲湧三山碧海濱地勝煙霞開浩劫花濃雨露近中宸  
曲江弭櫂歸侵夜爭看升平際遇人

良嶽進和御製二詩

欽定四庫全書

初學集  
卷一

十六

雲峰面面巧隨人淥淨兼無一點塵開盡巖英并澗蕊  
君王自與物為春

南苞維艷首驚春造化爭先物物新鏤管裁詩天語妙  
翠鬕頰醴聖恩頻

重和春宴口號

政布青陽左个邊春回太極五門前琳宮就講三千士  
瓊籙聯名八百仙午夜雷霆來良岳東風未報出天田  
頌觴紫殿君臣樂萬紀重和第二年

進和聖製元夕詩 并序

臣伏蒙宣示御製觀燈詩仍許和進臣竊聞都城父老皆曰元夕之盛未有如今歲者蓋道化昭格四海屢豐比自立春嘉澤霑浹和風應律河流通駛况復闕庭神麗端樓鼎新五門張燈實始於此臣敢采民謠仰賡聖韻塵瀆睿覽臣無任震越之至

斗城雲接始青天  
汁水浮春放洛川  
繒嶽千峯延璧月  
珠簾十里晃燈蓮  
五門端闕初元夕  
萬曆宣和第二年

欽定四庫全書

初集

卷一

聖世親逢叨四近  
頌觴連日綴羣賢

進和御製幸太學祕書省詩 并序

臣恭覩陛下臨幸祕書省觀列聖神筆及三代鼎彝二王行草異書名畫并以萬幾餘暇所書千文十體與夫寫物賦形之妙分賚羣臣移蹕賢闕致謁宣聖次御經幄俯聽講說親紆天步臨觀齋廡右文宗儒之盛千載一遇九州四海聞風呼舞今蒙宣示御製詩仍許輔臣進和臣謹控竭蕪陋仰賡聖作千冒天

威臣無任

九譯何難致越裳  
太平聲教陋成康  
千年文物儲天祿  
四海英髦聚國庠  
冊府緩留清蹕響  
儒齋深映赭袍光  
侍臣誰草宣和頌  
落筆爭看立堵牆

進和御製芸館二詩 并序

臣日者扈蹕蕃衍被旨許至芸館及遍歷溪山之勝初筮解籜新荷布水夏木陰合幽禽間闕超然有物外之趣恭覩聖製謹依韻和進仰黷威尊臣無任

欽定四庫全書

初集

卷一

路轉陽華許縱遊  
南山松竹夏幽幽  
雲來天半蒼龍闕  
波漲溪心白鷺洲  
隔塢黃知林杏熟  
連岡青認標梅稠  
絳霄樓觀身頻到  
獨愧君恩久未酬

芸館修篁靜絕塵  
渭川那足比封君  
清陰密覆林間石  
翠色寒搖水底雲  
風好知從宮扇動  
茶香宜入御甌分  
裴回永晝人霑醉  
歸踏青青徑草薰

進和御製擷芳園二詩 并序

臣今月十四被召自延福宮城泛舟赴龍德西園春